

## **GO SE LAODIŠE KA MALEBA GA SWIKIRI, MAŠELA LE DITHAERE**

**Tshwane, 26 Mei 2022** – Yuniti ya Kgwebo yeo e sego Molaong (ITU) ya Ditirelo tša Motšhelo tša Afrika Borwa ka Durban e tshwere motlišagae ka dikhontheina tše 20 tša swikiri tše di laodišitšwego bjale ka reisi, yeo e sa tšhelelwego.

Le ge le go bjale, morago ga tiišetšo le tlhahlobo ya dikhontheina tše di šupeditšwego go ile gwa hwetšwa gore dithoto di be di laodišitšwe ka maaka gore ba kgone go efoga šGo tiragalo ya bobedi, ITU ka Durban e swere dikhontheina tše tlhano tše di bego di tlišitšwe gae ke khamphani ya go tsebega. Go be go gononelwa gore motlišagae o ile a laodiša dithoto gampe gore a kgone go efoga go lefela makgetho a maleba a Khasetomo le go obamela dinyakwa tša phemiti International Trade Administration Council (ITAC).

Go ya ka taodišo ya Khasetomo, dikhontheina di be di hlophilwe bjale ka dirimi tša dithaere, tše di sa lefedišwego makgetho. Tlhahlobo e ile ya dirwa ka bobolokelo bja go laesenswa gomme dikhontheina di ile tša hwetšwa di swere dithaere tše di swanetšego go lefelwa lekgetho la 30%, levi ya tikologo yeo e nyakago phemiti ya ITAC.

Go tiragalo ya boraro, sehlopha sa ITU ka Gauteng se hweditše tshedimošo ka ga dikhontheina tše 21 tše di tlišitšwego gae gomme di bego di gononelwa go ba di laodišitšwe gampe bjale ka diphaephe tša ditšhipi, fenitšhara, dibapadišwa le didirišwa tša polastiki.

Dikhontheina tše 21 di ile tša swarwa gomme tša tlhahlobja gape go ile gwa lemogwa gore ka go dikhontheina tše 21 ke fela dikhontheina tše 3 tše di ilego tša laodišwa gabotse, gomme dikhontheina tše 18 di ile tša laodišwa ka maaka. Sebakeng sa diphaephe tša ditšhip, fenitšhara, dibapadišwa le didirišwa tša polastiki bjale ka ge di laodišitšwe ke agente ya klerense, dikhontheina tše 18 di ile tša hwetšwa di tshwere dipitika tša mašela, mokgobo wa mašela ao a dirišwago go dira dikobo, metšhene ya go dira dikobo gammogo le dithoto tša ekišo tša bofora. SARS e tlo tšea magato a kgonagalo ya ditatofatšo tša bosenyi bakeng sa ditaodišo ka moka tša maaka gape tša go lahletša.

Khomišinare wa SARS Edward Kieswetter o hlagišitše ditebogo go maloko a Yuniti ya Kgwebo yeo e sego Molaong bakeng sa go šoma ka thata. O file temošo ya kgalemo go bagwebi bao ba amanago le maitshwaro a go se obamele, le ditiragalo tša bosenyi. a go lebi. O boletše gore, “SARS e kaonafatša bokgoni le boteng bja yona bja go kgesa maitshwaro a go se obamela, gomme e tla tšwelapele go thatafaletša le go lefiša ditefišo tša godimo go bao ba kgethago go dira bosenyi. Bao ba amanago ka boithaopo ka go ditiragalo tša bosenyi ba tla swanela ke go amogela ditlamorago tša dikgetho tša bona”.

Go hwetša tshedimošo enngwe, ka kgopelo ikgokaganye le [SARSMedia@sars.gov.za](mailto:SARSMedia@sars.gov.za)